



aUPA2016/79
Tillie Martinussen

Inatsisartunut aalajangiiffisassatut siunnersuutigineqarpoq Naalackersuisut peqquneqassasut Inatsisartut 2017-imi upernaakkut ataatsimiinnerannut atatillugu ukiunut sisamanut misileraataasumik aaqqississuussineq, nammineq inigisap aserfallatsaalineqarneranut imaluunniit nukimmik sipaarnarunissamut sanasunik suliaqartitsinermut atatillugu aningaasartuutit katillugit 20.000,00 kr inummut ataatsimut akileraarutitigut ilanngaatigineqarsinnaalernissaanik suliaqassasut. Ukiut misileraataaffiusut tamarmik ukiumut 3.000.000 kr-nik aningaasanut inatsisitimmi illikartitsiviussaaq. Ukiut sisamat misileraataaffiusut ingerlareerpata misileraaneq nalilersuiffigineqassaaq.

(Inatsisartunut ilaasortaq Steen Lynge, Atassut)
(Siullermeenera)

Danmarkimi ullutsinni imaappoq, suliaqartitsigaanni kiffartuussinermut/sanasunik suliaqartitsinermut ilanngaatigineqarsinnaallutik 6.000 koruunit tikillugit aamma qummut 12.000 koruunit tikillugit sanasunik suliaqartitsigaanni, kisianni taamallaat akissarsianut suliaqartitsinerit akuerineqarsimappata aamma angerlarsimaffimmi, aasarsiortarfimmi imaluunniit attartortutut naliginnaasutut imaluunniit piginneqatigiilluni illuutilittut inissisimagaanni - piumasaqaataallunili piumasaqaatit naammassisassallu arlallit isumagineqarsimanissaat.

Danmarkimi aamma siunertaavoq, soorlu siunnersuuteqartup tikkuaraaa, nammineq inigisami nukimmik sipaarnissaamut, aserfallattaaliinissamut kaammattuinnissaq.

Naalackersuisut isumaqaatigaagut, suliaq tamanna aamma siunnersuut manna ataatsimoortillugit ilaasariaqartut akileraariaaserput misissoqqissaarneqalerpat aamma taamaattumik Naalackersuisut allannguutissatut siunnersuutaa ilalerparput.

Taakkunani oqaatigineqartutut imaaliinnarlugu periarfissaanngilaq, siunnersuutip sinaakutissiissutigineqartut 3 mio. koruunit iluanni piviusunnngortinneqarsinnaanissaa, tamannalu tunngavigalugu innersuussutigaarput, uani oqaatigineqareersutut siunnersuut Naalackersuisunit misissorneqassasoq, inatsisiliarineqarumaartussap pitsaanerpaanik tunngaveqarluni suliarineqarnissaa qularnaarumallugu.

Aalajangiinissami tunngavissat annertuut nangaassutigineqarput, danskit inatsisaanni, aamma - Kalaallit Nunaanni atortussannngortinneqassagaluarpat - taava sumi qaqugulu ilanngaatip taamaattup piviusunnngortinneqarsinnaanissaanut eqqarsaatigilluaqqissaagassat aalajangiinissami tunngavissat arlallit tullerriarneqartariaqassapput.



Taamatut oqaaseqarluta inassutigaarput siunnersuutigineqaqqaartoq itigartinneqassasoq aamma Naalackersuisut allannguutissatut siunnersuutaat akuerineqassasoq.